

पौलुस ह ए चिट्ठी फलिमोन ला लिखे हवय। फलिमोन ह एक सम्मानति मसीही रहिसि अऊ सायद ओह कुलुससी सहर के कलीसिया के सदस्य रहिसि। ओह उनेसमिस नांव के एक गुलाम के मालकि रहिसि। उनेसमिस ह अपन मालकि करा ले भाग गे रहिसि अऊ पौलुस के सम्पर्क म आईस। ओ समय पौलुस ह जेल म रहिसि। उनेसमिस ह पौलुस के जरयि मसीही बनसि। ए चिट्ठी म पौलुस ह फलिमोन ले बनिती करथे कि ओह उनेसमिस ला छेमा कर देवय अऊ ओला अपना लेवय, न सरिपि छेमा पाय गुलाम के रूप म, पर एक मसीही भाई के रूप म घलो। एकरसेति ओह ए चिट्ठी ला अइसने लिखथे कि फलिमोन ह ओकर बात ला मान जावय। ए चिट्ठी ला खाल्हे लिखे भाग म बांटे जा सकथे।

जोहार 1-3

फलिमोन के बड़ई 4-7

उनेसमिस बर बनिती 8-22

सार 23-25

**1** ए चिट्ठी पौलुस कोति ले, जऊन ह मसीह यीसू के एक कैदी ए अऊ हमर भाई तीमुथियुस कोति ले—हमर मयारू संगी अऊ सहकरमी फलिमोन, 2 अऊ ओ कलीसिया, जऊन ह ओकर घर म जुरथे, अऊ हमर बहनी अपफिया, अऊ हमर संगी योद्धा अरखपिपुस ला लिखे जावत हवय।

3 हमर ददा परमेसर अऊ परभू यीसू कोति ले तुमन ला अनुग्रह अऊ सांति मिलित रहय।

### धनबाद अऊ पराथना

4 भाई फलिमोन, जब मेंह अपन पराथना म तोला सुरता करथंव, त अपन परमेसर ला हमेसा धनबाद देथंव, 5 काबरका मेंह परभू यीसू ऊपर तोर बसिवास अऊ परमेसर के जम्मो मनखेमन बर तोर मया के बारे म सुनत रहथिव। 6 मेंह पराथना करत हंव कि तेंह अपन बसिवास के बारे म लगन से बताय कर ताका मसीह खातिर जऊन

भलई के काम हमन करथन, ओकर तोला पूरा समझ होवय। 7 हे मोर भाई, तोर मया ह मोला अबूबड़ आनंद अऊ उत्साह दे हवय, काबरका तेंह परमेसर के मनखेमन के हरिदय ला ताजा कर दे हवस।

### उनेसमिस बर पौलुस के बनिती

8 एकरसेति, हालाका मेंह मसीह के सेवक के रूप म, हमिमत के संग तोला हुकूम दे सकत हंव कि तोला का करना चाही, 9 पर मया के कारन, मेंह तोर ले बनिती करत हंव। में पौलुस, एक सयान मनखे अंव अऊ अब मसीह यीसू खातिर एक कैदी घलो अंव- 10 मेंह तोर ले, मोर बेटा उनेसमिस बर बनिती करत हंव, जऊन ह जेल म रहे के बखत, मोर सुनाय सुघर संदेस ऊपर बसिवास करसि अऊ मोर बेटा सही हो गीस। 11 ओह पहिली तोर कुछू काम के नई रहिसि, पर अब ओह तोर अऊ मोर दूनों बर बड़े काम के हो गे हवय।

12 मेंह ओला, जऊन ह मोर हरिदय के एक टुकड़ा सही अय, तोर करा वापसि पठोवत हंव। 13 मेंह ओला मोर संग रखे ला चाहत रहेंव, ताका ओह तोर बदले म मोर मदद कर सकय, जब मेंह इहां सुघर संदेस के परचार करे के कारन जेल म हंव। 14 पर मेंह बगिर तोर सहमती के कुछू नई करे चाहेंव, ताका जऊन भलई तेंह करथस, ओह कोनो दबाव ले नई, पर तोर खुद के ईछा ले होवय। 15 उनेसमिस ह थोरकन समय बर तोर ले अलग होय रहिसि, एकर कारन सायद ए हो सकथे कि ओह तोर संग हमेसा रहय। 16 पर अब एक गुलाम के रूप म नई, पर एक गुलाम ले घलो बड़के एक मयारू भाई के रूप म रहय। ओह मोर बहुंत मयारू ए, पर एक मनखे के रूप म अऊ संगे-संग परभू म एक भाई के रूप म, ओह तोर अऊ मयारू ए।

17 एकरसेति, यदा तेंह मोला अपन सहभागी समझथस, त ओला अइसने गरहन कर, जइसने तेंह मोला गरहन करबे। 18 कहूं ओह तोर कुछू नुकसान करे हवय या ओह तोर कुछू उधार लगथे, त ओला मोर नांव

म लिख ले। 19में पौलुस ह अपन हांथ ले, ए लिखत हवंव की मेंह तोला ओकर चुकता कर दूहूं, पर ए कहे के जरूरत नइं ए की मोर जऊन कर्जा तोर ऊपर हवय, ओ कर्जा तेंह खुद अस। 20हे भाई, मेंह चाहत हंव की परभू खातरि, तेंह मोर ऊपर ए भलाई कर; मसीह म मोर हरिदय ला ताजा कर दे। 21मेंह पूरा भरोसा करके लिखत हंव की तेंह मोर बात ला मानबे, अऊ मेंह जानत हंव की जऊन कुछू भी मेंह तोला करे बर कहत हंव, तेंह ओकर ले घलो जादा करबे।

22अऊ हां, एक बात अऊ हवय: मोर ठहरे बर एक कमरा तयार रख, काबरकी मोला

आसा हवय की तुम्हर पराथना के जबाब म, परमेसर ह मोला तुम्हर करा लानही।

23इपफ्रास, जऊन ह मसीह यीसू म मोर संगी कैदी ए, तोला अपन जोहार कहथे। 24अऊ वइसने मोर सहकरमी मरकुस, अरसितरखुस, देमास अऊ लूका घलो तोला अपन जोहार कहथें।

25परभू यीसू मसीह के अनुग्रह तुम्हर संग रहय।